







續文選卷第十二

明平原湯紹祖公孟撰

雜詩下

題西園雅集卷

徐中行

西園美清夜置酒臨高樓涼飈散暄濁飛蓋聊行游
芙蓉被幽渚好鳥鳴河洲皓皓鄴城月蕩漾清漳流
衆星粲以繁冠佩列應劉玉盤膾神魚艷曲奏笙篴
賢王重片善磬折恒相求文雅鬱縱橫賓主紛勸酬
慶雲布優渥何言澤不周俯視銅雀臺零落成荒丘

觴至不盡歡良景逝不留載歌露未晞嘉會垂千秋

離薺園

徐中行

鳳覽超世氛龍德寡諧俗大節自惛蕩世俗傷局促
故鄉有縣圃乃在崑山曲日月出其中雲霞蕩其麓
五城十二樓照耀扶桑旭遊戲安期生汎濫南華錄
鵬鷖固異適薰蕕詎同欲嗟彼楚楚薺判然豈予服
時無陵陽侯疇能證荆玉三復迷陽篇聊以衛吾足

題萬言卿西原精舍二首

徐中行

矯矯豫章材。瑋識一何則。蚤歲升當塗。明堂振清響。
輝赫冠蓋間。而獨秉高尚。依依箕穎情。寤寐發遐想。
九江湧坐隅。匡廬出諸掌。魚鳥宛來親。烟霞日排蕩。
曾是青瑣居。泠然白雲賞。道勝貴陸沈。天游謝塵網。
所以賢達人。金門寄偃仰。

伊昔讀書園。藹藹章江郭。高齋俛江流。崇臺面廬嶠。
佳氣何鬱盤。川原莽廻薄。丹霞射疎牖。白雲蕩虛幕。
灑翰激神飈。披襟坐遼廓。卽今冠朝列。故鄉日以邈。
長安十二衢。飛薨麗朱牖。含意益沈冥。每飯在丘壑。
七跡豈殊衆。忘筌會有託。咄嗟曲士心。精微疇能

題況比部藥湖書堂

徐中行

子牟戀魏闕王生臥伊洛世無蒙莊子安知濠梁樂
茲湖信清曠鴻濛巧疏鑿巘嶸既環迴川渚亦綺錯
水碧間芙蓉石華被蘭薄日蕩絳霓鮮飈激紅泉落
伊昔餐霞人於焉鍊靈藥倏忽凌紫氛神理疇能度
子固清廟珍藻翰麗丹腹蟬冕亦云華胡然慕丘壑
服食倘不誣將子翔寥廓

雜詩十首

吳國倫

蜿蜒明月珠熒熒吐輝光持以贈所親道路阻且長
中墮濁水泥千里徒相望志士抗高節憎茲口如簧
赫赫尹吉甫伯奇行履霜參乎豈嗜殺慈母走踰牆
況彼行路人何以要不忘睚眦有其端安保不相戕
棄置非所論無郵示周行

重城繚阿閣鬱鬱造天表迴飈激杲恩飛棟陵縹緲
惜哉鳳不至而以巢凡鳥凡鳥羣畢逋德輝何杳杳

棄彼琅玕實啖喋苻與蓼翎止無寧序呼噪失昏曉

文羽一來儀四顧儔侶少哀鳴棄之去高舉六

合

士自有貴賤道與俱汚隆良賈不居市美女憂入宮

從事苟失時聖哲難爲工虞卿始遊趙非有根柢容
一見賜金璧再見舉國從取相如探囊坐致卻秦功
及其間行去居梁一何窮著書幸自見祇爲遊談宗
何不執高義希彼魯連風解紛息大難蹈海不受封

羊腸一何坦周道摧車輪溟渤葦可航溪潦浩無津

膠漆苦不投竿瑟時見親懷珠蒙世疑買櫝以爲珍

冥理本不測變態渺無因于物各有適愛惡從其心

險夷義所安尺蠖有屈伸惟彼明哲士適然保其身

大造冥無端陰陽互推移人生逝如斯白駒喻何遲

彭聃豈必壽殤子與同期誰云蒲與柳異彼金石姿

梁肉饜無味食藿甘如飴纓綬苦結束短褐何委蛇

達觀萬物理委形皆若遺哲哉河上翁知雄守

其雌

田文與趙勝養士亦已多處囊有遺穎徒舍徒勞歌

三年不見知如此皮相何一日奮排難秦楚爲么麼

反掌復齊相按劍定從和始知負奇士俛首甘蹉跎

乘時建大策寸舌雄干戈安用錄錄輩與世相

依阿

佳人處重幄歛態何盈盈姣服純與綺盼笑清芬生

明月辯爲環雜佩瓊瑤瑛微風動輕裾緩步宮商鳴

一顧迷下蔡再顧傾陽城念欲結婉孌何以抒衷情

挹彼沆瀣漿和茲九霞精延佇欲致之咫尺天河橫

將無高丘夢令人徒屏營

矯矯赤水龍視能燭九陰微氛翳白日不照烈士心
離離洛少年悼彼三閭沈興文弔汨水感遇亦何深
已矣千百載其辭傳至今巫咸邇可招胡爲久不歆
烈心豈自疑懷往故難任何以寫衷曲閉戶弦鳴

琴

誰謂德無隣姱阿淆其真誰謂人無倫反側難爲親

恩愛苟不衷金石將且磷四海皆兄弟同室越與秦

久要勿言故立談勿言新肝膽照日月眉睫生荆蓁

君子貴中立小人趨同塵況乃在不路變態那可

陳

賦日照四術人語何嘈嘈爭塗赴闕闥靡麗成周遭

牽袂迴颺舉擊軫奔如濤招搖各有營日夕不言等
翩翩御輕肥各言絕世豪東隣奮絲竹西肆陳珍牢
飲至歡亦極萬事皆鴻毛乳乳北郭子徒手被緼袍
延佇大道傍頗爲達者嘲從事貴識時胡爲久蓬蒿

八子詩三首

吳國倫

徐博士昌穀

吳都擅妖麗作者紛自寶昌穀起中微澹然志幽討
濯髮臨清淵驅車遵周道宛彼舜華姿被服紈與綺
輪斤有疾徐應手不言巧得意塵壒間超忽踰靈島

南枕有獨致頽風一以掃年短流譽長胡爲悲不造
鄭司封繼之

谷口遺高蹤鄭生豈其裔澹然隱金門玄理屬冥契
倡和諧同聲登臨縱遐睇願言崇好修寧獨侈宏麗
古道良所敬真境日以詣偶爾披遺編蘭薰襲衣袂

高按察叔嗣

叔嗣秉玄覽弱冠侍清穆朝回坐華省抽翰從所欲
時援絲綺琴起奏清商曲三歎有餘思松風何謖謖
引領懷良朋申章屬珠玉古道自攬持巖然負流俗
雖驂何李後匪乏千里足惜哉天天年長駕阻中陸

五子詩五首

吳國倫

李于鱗

涓曠不可作古音日以微舉世好新聲引節當誰依
奕奕濟南生聽曲識其非調琴理孤操逸響騰珠徽
泱泱東海風洋洋播金閨豈辭作者苦將恐和者稀
庶幾吾黨士一握揚清輝抗志還大雅乘時顧芳菲
斯道有中興但與流俗違風波一相失涕泣無時揮

王元美

王郎故家裔曄曄瓊樹姿英風振江表文彩稱神奇

少年策華津四顧多所疑志在千古業寧希一世知
折節交李郎大雅當在茲華陽結高會五子偕應期
齊聲奮清響浮雲東西馳時情詎終測友道無磷緇
中意各未伸羽翼行差池榮名不常保念當久睽離

宗子相

淮海挺斯彥鬱鬱麟鳳標致身青雲端嘉譽盈中朝
游揚豈不廣冠蓋紛相驕微衷各有屬鳴鴻夜嘹嘹
一顧得儔侶勿云天路遙携手結古歡吐氣干層霄
易彼淫哇耳冷然被箭韶力欲追作者安知骨已銷
去國勿復道何哉鵬爲妖念此平生親魂遠不可招

徐子與

美人起天目吳會欽令名拙翰掞華藻高步揚前旌
憶予釋初服與子馳帝京衆中一以吟躑躅私相驚
神物當遇合枯根以時榮慷慨托風雅遂爲金石盟
酒酣發高倡流響恣縱橫但希知音賞敢厭時俗輕
精光忽以蔽誰能實連城努力戒遐軌廣路偕于征

梁公實

南海浩無際珠樹榮其中之子秉異靈軀孱氣何雄
結髮嗜往古操翰追其風文心躡東漢詩軌顏謝工
一出邁良友糟粕忽以融反顧結遐轍思欲躋崆峒

浮雲去萬里獨往偕冥鴻神山在咫尺安期尚可逢
大藥豈誤人厭世殊匆匆誦子虹澗篇萬形委虛空

十二子詩四首

吳國倫

南海黎秘書惟敬

黎生處羅浮頗好神仙錄大海澄幽襟明珠結奇服
翫髒遊人間詞華爛羣玉酒酣坐揮毫彷彿天雨粟
垂老就一官清言動當軸慊慊常思歸引領傷局促

南昌余比部德甫

爲羅附松柏松柏有時摧螻蛄穴蔬壤蔬壤亦易夷

之子抱幽貞昭質諒不虧貴介何炎炎疎遠分自宜
理我清廟弦奠茲明堂彝爲用雖不廣千載流聲施

銅梁張祠部肖甫

高空朗岷嶷洪流決三峽中有奇男子龍性不可狎
乘雲驚天衢蜿蜿露鱗甲蚤厭巴渝謳力操楊馬法
雄才振名區古劍星出匣符彩燭士林匪徒工筆劄

新蔡張稽勲助甫

汝南復斯人文藻何灼灼蚤策華要津貴游殊不薄
微衷向沈冥玄覽測苞籥稍聞何李風文心奮如
赤若砂中金皎若雲間鶴欣茲雅道昌豈但新知樂

詠署中豫章

吳國倫

豫章何輪困托根在公府柯葉森扶疎清陰薄環堵
山煙起氤氲海氣遙吞吐自抱風雨鳴不解冰雪苦
虬龍鬱爲文剝蝕亘今古豈無栢梁材可與梗枿伍
匠石一以遺居然謝斤斧因之保天年蒼蒼蟠故土
北園觀小僮摘櫻桃作

吳國倫

北郭有嘉樹芳華粲以繁朱櫻何纍纍灼我薜荔垣
修叢陰滄浦連珠耀日丹童子攀其條采采不盈簞

我聞麥英子服之美人顏赤玉爲其液承以清露盤
裏袖豈無意將以遺所歡

懷舊詩

并序

吳國倫

予登西山因憶嘉靖己酉歲嘗從熊元乘李子恢劉
仲將登此飲甚歡後元乘仕至御史大夫子恢爲郡
丞仲將爲縣令閱今三十餘年三君物故久矣予獨
以暮齒重來蓋惻然傷之爰賦一詩寄愴焉

新裁薜荔衣服以涉江遊言躋九曲嶺俯見崢嶸
吳宮化爲剎安從識南樓但有叅天樹空門鬱以

昔我二三友少壯稱名流攜手歷茲境訪古恣綢繆
須臾委路岐駒迅不少畱重來髮已華屈指三十秋
山川故無恙逝者何悠悠抱此山陽感顧望增百憂
人鮮金石姿松喬誰與儔令名苟不朽彭殤盡一丘
冬日雜詩爲仲氏作四首

汪道昆

南州寒氣至冰澤亦磷磷踟躕望四野宿莽紛無垠
萬物豈終藏因之布陽春乃知造化樞啓閉恒相因
吾道亦龍蛇乘時以屈伸籍籍東方朔金馬何嶙峋
當其在草野三冬足討論如何棄盛年兀兀甘淪

憶昔平津第招邀五陵豪絃歌中夜發四坐焚蘭膏
君恩忽已去堂上生蓬蒿何物楊子雲冥棲避市曹
閉門彊著書夙夜空爾勞致身苦無術身後名逾高
眴彼繁華子九鼎輕鴻毛

北風度寒谷百草歸隕霜偉哉鄒氏子吹律召青陽
昔者炎精缺千秋大雅亾末路迫崦嵫誰其見扶桑
大明麗中天闕路遙相望先登奮一呼部曲遂張皇
顧我徒完士願言從鴈行

郢人歌下里傾耳相追隨曲高和彌寡白雪亦何爲
聖王興文治良材赴昌期不獨崇明德譚言亦復奇

恢恢羅廣莫眇眇窮希夷聞者輒響應英聲薄四垂
曾史皆下乘方駕臯與夔伊余事雕蟲往往倍明時
同懷二三子況復天一涯仲氏多苦心庭下自吹簫
歲寒願相保失路寧足悲

孤憤詩七首

汪道昆

憶昔從司馬稱兵事九夷弓旌下白屋食客何逶迤
伊余釋逢掖劍佩光陸離四坐竟虛左片言耻借資
豈無千金士折節心所私傳檄定東南壹由神武師
東南亂無象戰士胥淪亾誰其振軍聲使者繡衣郎

一舉摧勁虜上師遂張皇崇朝授簡書秉鉞親戎行
反聞入彼軍壘繫名王逝將殄窮髮肯使海波揚
京觀高百尺南國仍金湯

先帝睠南顧司馬奏膚功帶礪誓山河金貂齒上公
豐澤不盈眦流言遽從東行行歸故里去去殺良弓
危機一以發吏議紛雷同聽直咫尺間 君門高九
重屈首卽長夜呼天良可恫故山一杯土宿草無春
風

春風破桃李疇昔盛平津榮華一朝歇悼惜無相親
昔爲平生驩今爲行路人更名脫虎口況乃批龍鱗

悠悠市道交咄咄勿復陳

陳辭叩 天閭氣結不得語傷心草莽間臥病芙蓉
渚俛仰歷三秋屏營事行旅清流彌桂櫂中夜懷椒
糝明發入空山高天忽風雨

風雨何方來恨恨霑我襟公其游帝鄉乘雲翺故林
歿生成契濶天地高且深一哭徹重泉再哭結重陰
何以報知己盈盈徑寸心

寸心何所施天命詎有常冥冥泉下室安得皦日光
伊昔百戰功願言著旂常蓋棺亦已矣衆口猶雌黃
長跼歌德馨申言慨以慷一歌再三嘆嗚咽不成章

天末起悲風蕭蕭吹白楊招魂竟何之吾欲問巫陽
病起聽許太初彈琴

汪道昆

君彈彈七發我歌歌七哀少歌可當哭五內爲之摧
君爲拭龍脣愁雲黯不開一彈木葉下再彈風雨來
中曲激清商秋氣正悲哉坐客起徬徨行人立徘徊
羣翔逝不集六馬俱踳躅曲終忽變徵木末霜皚皚
慎爾勿輕彈高秋已落梅

千秋里中述事

汪道昆

秋原具已腓夜水逝將蟄白日揭朝躋紺林延暮色
伊余返故廬言托西枝息旦日命所歡結臂之南陌
沿流任踏歌踞石恣分席閣夜罷焚膏白榆何歷歷
始作華胥游俄驚風雨入草野戰羣龍倉皇翻四極
礫格撲匡床支撐盤霹靂冥冥失寢興凜凜屏呼吸
危坐擁綈袍塊然待終夕

甘泉瑞柳詩二首

張佳胤

曩余守白馬總轡遵魏城瀉鹵盡原隰俯仰思金莖
邇有陳拾遺謁帝依承明遠游忽成賦行吟洹水

齊空齋偶疏鑿靈湫歛泯泯醍醐出瑤竇琉璃澄瑀
湖九野被餘潤家給一何仁精氣應東井醴泉兆西
京神閼藐千祀希瑞方及辰詎苦長沙濕聊抱漢陰
心愿言澤寰寓神哉沛甘霖

伊彼柄元化栽培廼華滋物性有常經疇能洞淵微
惟茲魏臺野東第及傾頽中有謫仙子含咲聊卑棲
河桎截梁木人代焉可知枯榦漸淪蠹誰謂紛華剪
玄理杳難測青葱暢其枝柔條旣婀娜密葉亦葳蕤
綠蔭滿四壁景風吹高楣休奇駭耳目瑞掩黃金
榮枯諒無定天柱呈嘉倪甘棠蔽北館交讓臨清池

豈比翳形者千秋良可嗤

雜詩七首

盧枏

迴陰翳朝日薄寒履微霜綠池潛游鱗飛鳥歸林翔
北風吹蕙帷馨香發我堂攬衣下堦除屣履獨徬徨
豈無芳草思欲寄愁春陽憂來人莫知悲憤結衷腸
山韞玉含輝川沉珠媚光所願崇明德別離何足傷
皎皎明月光照見東大樓天風吹綺疏櫺軒一何幽
上有憂思婦顏顏懷良儔中夜鬱長嘆悲嘯含清秋
借問怨阿誰不語彈箜篌清商激中曲音響何凄啾

大絃回陽春小絃咽泉流精誠逾金石烈思揚清謳
蟋蟀鳴金閨霜霰批梧楸日月迅推轂鉛華安久畱
願爲梁間塵隨風入君幃

丘中有隱士枯槁不可識渴飲潁川流飢餐首陽栢
薜荔爲衣裳蘭湯沐芳幘鹿麋戲左右猿狖相牽牒
朝引洪崖公暮延浮丘伯揚袂涉中洲落英蕩桂楫
我願從之游飄忽渺無跡佇望立澧浦颺風起我側
攬轡回故鄉白日忽西匿感彼空冥鴻翻飛振六

谿谷饒水霜幽澤多芳草朝煙滋綠輝夕露發青藻
芬香披原塗弱葉亦俊好佳人殊未來繁華亦枯槁

悲哉君子心
縣縣在遠道
歲寒見松栢
可以喻終老

高樓有佳婦
窈窕青雲端
左蔭綠桂枝
右紉芳澤蘭

臨流戲珠浦
拾翠游芝田
蛾眉衆所妬
時俗尚無鹽

捐棄蓬蒿中
誰來希令顏
徘徊歲云暮
拂衣聊嘆

驅車泰山阿
梁父何崔嵬
狹路阻且艱
車輪不能廻

磊落百丈巖
空冥千仞谿
悲風從中來
樹木鬱森竒

鴟鵂號我前
熊羆舐路垂
四顧絕人烟
零露霑裳衣

遠行多輻軻
傷哉心獨違
回思駕方舟
川廣帆檣危

徘徊在中途
執勒思沉迷
僕夫疲以痡
我馬復虺隤

日暮隴阪長
行行將安歸
始知阮步兵
痛哭各有爲

征夫嚴風駕負羽卽長衢天山白霧滿瀚海愁雲紆
日暮向何處彊藩爲我虞前年雲中擾王帥血連洏
胡騎從北來鳴笳間旂旂今年遼陽驚千城爲獷狙
桀驚我皇使髡奴縹長組險阻掣重關氣益連東夷
欲揮天馬撾指顧定邊陲惜無晨風翼阻此風雲期
奮身臨飛觀遐覘還四區長城袤萬里上與浮歆齊
耳虛聽刁斗日竭廻旌旗安得楚雄劍揚鏑震天威
塞門背卷甲沙郡面渠魁緝安兩鄙民扶持四海危
掃清黃池塵放馬華山歸喪元在溝壑馬革裹屍回

讀貨殖傳二首

俞允文

刁間任奴虜車騎何洋洋結交盡權貴起富傾侯王
掘塚事至姦曲叔名亦章成業各有基彼獨處不減
苟能懷仁義胡爲厭糟糠茲事良已久今日復何傷

程卓起遷虜鼓鑄稱善籌驕侈擬人君射獵恣盤游
孔氏在南陽交通徧諸侯雍容名公子權利靡不收
豪華傾當年營欲殊未休但恐委朝露身名翳榛丘

王元美離薺園

俞允文

芳園陰通衢落落無停轂雖非巖穴奧緬焉在浚谷

綠竹帶清川標雲秀珍木蕙畝藻神霧蘭林汎鮮旭
無風自芬芳茂彼蕢與菜達人有遐度所尚惟深穆
稱心何必多卽事遺飭朴良辰欣時往聊以舒煩促
引領日東驚何由託余足

藥姬篇

俞允文

美人綠牕裏啞啞含春風春風忽飄至但聞妍笑工
妙芬汎裾裾嬌靨開芙蓉年纔十五六未與世人通
可憐少年子珠勒桃花驄意羞黃金賤第言心性同
婉孌有餘情密得常相從相從高樓夜度曲入雲中

續文選 卷十二 六 和貴堂
曲終應若爲乍疑天上逢詎知宵漏歇日射象牀東
巳未中秋月食作

俞允文

仲秋天宇峻氣歛涼籟歇萬里澄浮埃金樞運圓月
耿耿曙星沉淡淡長河沒凝暉合白水露皓霜華發
徘徊通曲房蘭膏坐揮忽誰言淪薄蝕臃臃桂枝缺
踟躕掩餘照翳翳陰氛蔽秀質雖復滿卽事將何悅
以茲願見心曠若音塵闕佇立增永慕何時還可掇

贛州康處士草亭

俞允文

高居出事外孤亭朝藹中細草蔚佳色歷亂隨春風
映階連古苔盡日青叢叢此中饒幽意冲賞莫與同
懸知蔣生徑獨有求羊踪

寄題蘄州高別駕園林

俞允文

昔公遊梁罷不喜平壤居尋幽極遐情茲山信縈紆
疏峰剔翳薈選勝開林間松篁蔭後園蘭蕙滋前除
泯泯江漢流俯映皆空虛龍磯莓苔古千年蟄寒淤
却顧麒麟山蒼然嵐靄初

九日

俞允文

閒居愛重九晨色晃初晴澹澹氛霧開草木含光精
岡巒厲嵒嶸石瀨滋冽清極望藹垌牧禾黍被修塍
高雲矯輕羽迅颺隕浮榮隨時覽物化冉冉焉得停
將老思延年淹畱餌秋英豈不昧服理聊以攄吾情

漁父

俞允文

昔有漁父者輕舟若乘風心恬濤澗事澹蕩空虛中
夕依落月開晨汎初日逢釣竿揭日月蜿蜒驚潛龍
連思沉九淵所得豈在豐惜哉行吟客願言而莫從

鼓枻滄浪流聲與天壤終

秋夜

俞允文

孟秋逢餘閏陽景奄西歸清雲陰蓬茨皦月揚素暉
涼露承輕葉澹澹河宿稀中夜結遙念攬衣起徘徊
遵塗豈不疾顧瞻獨有違苦心將焉寫抱影私自悲

別詩

誤入

歐大任

晨風忽蕭蕭白露一何蚤嗟我思故鄉送君就長道
驪駒正在門豈得長宴好長安多貴游冠簪雜羽

子獨萬里行
令子結懷抱
惆悵枌榆情
臨岐思如擣
贈子玉連環
佩子金光草
離別豈不悲
榮名以爲寶

秋林爲朱仲熙賦

歐大任

陶令中林居
羲皇夙遐慕
靈境諧清賞
冥衷契良晤
昊天一何高
俛仰感晨暮
祝融解炎鑪
蓐收肅涼輅
清商谷響動
皓魄川光布
雲鴈薄層霄
山猿嘯零露
鳴蛩稍已稀
委葉滿澗戶
對景謝繁麗
樂辰切冲素
寄懷齊物篇
頗擬思玄賦
志士自苦心
幽人有貞度
年欣松柏榮
情比金石固
峩峩壺公山
千齡仰修步

歲除閒居作二首

歐大任

閒居歲已除物役免紛逼月窮會玄枵昏中麗東壁
偃仰一室內亂帙理書籍家無儋石儲樂分敢求益
中饋進盤蔬濁醪會親昵所欣怡毋顏餘者不足惜
來日幸自多去日豈復得一觴且共持笑語陶今夕
山楹植幽蘭芳馨未云息素志良獨勤冲襟稍能適
人爵非所營勗哉慎明德

遵養順時晦逃虛寡塵鞅倏忽茲歲周荏苒華年終
卉木自衰榮陰陽遞消長蓬室誠寂寥悠然寄心

久已謝交游稍足供俯仰出門仰騁望天地一何廣
曾身戒深省孟氣貴善養蒙莊托逍遙曾連事倜儻
平生晞古心微尚不可枉貧賤良亦難富貴豈能強
履運悟玄言沂風繼幽響願釋區中緣永協滄洲想

春中田廬作

歐大任

卜居南岡下榛曲帶平津桑麻二三里墟落八九隣
前村夜來雨晨興事耕耘日夕荷鋤歸濁酒燃荆薪
掩戶讀我書自謂羲皇人悵望白雲交悠悠潁川濱

感寓四首

歐大任

焦明不知鳳，斥鷃不知鵬。高駕肅通衢，下笑蓬累行。

君看叔孫氏，孰與魯兩生。笑傲巖穴下，焉知棉蘿成。

萬世在吾後，傳者非公卿。我心已匪石，請謝世名。

起坐每達旦，憂來不遑宿。按劍惜隋珠，刖足羞荆玉。

張儀不遇還，反受蘇秦辱。方齊擊睢時，豈識爲張祿。

塵埃誰免侵，天運有來復。升沉久已知，豈就季主卜。

尺木不可梁，斗水不可觴。孟嘗一言聽，足高而志揚。

所以魯連子，長往東海傍。棄之納履去，貧賤庸何傷。

曠望車馬途，名利爭鴻毛。繽紛市中子，長揖交錢刀。

時來有鐘鼎命達稱賢豪
摩肩仍擊轂傾旃常所遭
蠱尾懷螫毒詎能解天弢
炯鑒豈在遠膏火不可逃
柱下識谿谷漢陰慙桔槔
願從千古士尚志潛蓬蒿

紆勝園爲張元易賦

黎民表

中條距芳甸丘壑亦未遠
緬懷世上人於焉事嘉遁
雲螭不弭駕霞蹤尚可踐
疏峰結綺構臨流抗珍館
盱眙托幽遐魚鳧樂暄暖
乘流聲洞沿習坎悟舒卷
金門不可招佳期起深眷
素茗雖未零朱華已堪褰
滯留豈不歡歲月易婉婉
願回宛洛轡丘中恣遊衍

尤子求竹林七賢圖

王世懋

河內構崇基景文弱皇祚達人鑒幾先沉酣遠世路
把臂命儔侶齊心諧所慕開襟蕩幽思倚篠託貞素
英英嵇阮姿便便山公度劉生橐玄關秀也協真悟
仲容旣同調安豐復軒舉忘年在冥心日上自成趣
聚散會有窮金石交未蠹追舊黃公壚興哀山陽賦
絲肉無畱聲淇園今非故執鞭莫余從風流或可泝
題伯父山池爲第四兄瞻美作二首

王世懋

石生志肥遯潘子賦閒居敦彼丘園賁寧爲俗士拘
達人負豪舉名勝標東吳田池比素封內顧無畱儲
構斷類天成輦置信神輸竒石冒衆芳蔚若雲霞攄
舉英躡危磴飛觴激流渠羣從相招遊絃歌歡自娛
其人已埋玉樂往悲有餘

餘悲復何爲念此陵谷摧好惡旣殊瑞盛衰亦有時
叢桂猶偃蹇池臺或已非碧澗歇蘭芳朱軒塵網絲
錦石妬其完葦施驕不治樵採見童豎登覽安所之
置酒高堂上徘徊隆我思

甲申元日過澹圃試筆

王世懋

解組三涉冬門巷漸垂羅不知青陽至但眄庭中柯
東風吹河水瀾瀾成淥波物情易流轉我生日蹉跎
當時還山意鼎鼎今如何四十九年非此日幸未過
努力超津梁微尚安足多

雜擬上

擬古江南曲

柳惲

汀洲採白蘋日暖江南春洞庭有歸客瀟湘逢故人
故人何不返春華復應晚不道新知樂祇言行路遠

擬古携手曲

吳均

艷裔陽之春携手清洛濱
鷄鳴上林苑薄暮小平津
長裾藻白日廣袖帶芳塵
故交一如此新知詎憶人

代美女篇

蕭子範

邯鄲躑躅舞巴姬請罷絃
佳人淇水出艷趙復傾燕
繁穠旣爲李照水亦成蓮
朝酤成都酒暝數河間錢
餘光幸未惜蘭膏空自煎

擬雨詩

虞騫

清風送涼氣薄暮蕩炎氛虹照漣漪水電出嵯峨雲
落暉散長足細雨織斜文

擬詠懷詩

庾信

日晚荒城上蒼茫餘落暉都護樓蘭返將軍疎勒歸
馬有風塵氣人多關塞衣陣雲平不動秋蓬卷欲飛
聞道樓船戰今年不解圍

登終南山擬古詩

李德林

結廬終南山西北望帝京煙霞亂鳥道劣見長安城
宮雉互相映雙闕雲間生鐘鼓沸閭闔笳管咽承明
水閣臨槐路紫蓋飛縱橫望望未極已甕牖秋風驚
崑岫草木黃飛鴈遺寒聲墜葉積幽徑繁露垂荒庭
甕中酒新熟澗谷寒蟲鳴且對一壺酒安知世間名
寄言市朝客同君樂太平

田居左生偕二李見過效陶體二首

李夢陽

習宦非我長官久計轉拙遭斥還田廬獲與初念協
樹藝良有期農事固堪悅飄飄綠原風晶晶明川月

披襟恣吾適既夏不知熱回思行役日寒暑靡得輟
踈懶古雖鄙任性亦可說膏疇矧豐蔚積潦復淒冽
白日皎在茲停雲靜如結爲謝二三子努力慰衰
去官今七暑漸與農務親隨宜諳土性言語羣野人
時或遡微風行歌響空榛先民邈何攀慨焉傷我神
慨傷適誰知所有二三賓文論日往來炯炯高義伸
炎雨回衆姿涼飈起修畛兀然林木下日入忘歸輪
玄蟬夕益聒去鳥一何頻野行畏多露無使侵衣

擬古詩十八首

何景明

冉冉歲逾邁念君長別離別離在萬里道遠行不歸
鷓鴣暮倚匹鸞鳥東西飛思展雙羽翼奮起凌天涯
向風長哀吟欲舉中徘徊川途浩無軌霜雪愴以悲
願因駐馳景得覲君光儀

婉孌城東姝懷春一何蚤朝遊採桑陌暮止垂陽道
自矜全盛時復恃顏色好玉貌隨年化安得不枯槁
昔爲園中英今爲路傍草路傍多車馬採掇難自保

名都有高樓上入青雲端修城延曲隅阿閣交重欄
佳人理清曲當戶橫朱絃揚音綵霞裏令顏誰不觀
賓客會四座絲竹哀且繁日中車馬至薄暮皆言還

曲各言好知音良獨難誰爲同心人並起乘
壘壘北邙山松柏何修修松柏有時摧人命安可畱
朝爲華屋客暮沒歸山丘洛中多豪貴謁謁皆王侯
高臺臨九衢上有百尺樓宅第儼相望軒車絡如流
存亡不預保富貴安所求不如邀我友乘馬被輕裘
遨遊百年內永以忘戚憂

藹藹東園內綠林萋以繁車馬自成徑桃李終無言
昔日東陵侯種瓜青門前旣貴亦反賤變化更無端
俗夫寡恒態志士多苦顏豈不策高路高路遠且艱
良無萬里風孤翼誰當援

朝日照中庭杲杲春載陽東風吹綠草蝴蝶雙飛揚
歲華坐婉婉白露惜以傷予美不在茲所懷浩難忘
豈無芳桂枝含香誰爲明

淒淒仲秋日百卉腓以殘涼風入階樹零露摧庭蘭
明月皎東壁昆蟲鳴草間孤鴻暮安適哀音揚雲端
言眷平生友振翮起孤騫遺我若逝波望子如高山
托忱在終始蓄久諒逾宣寸心不可移盤石誰謂堅

鬱鬱山上松高枝布天涯上有女蘿草纏綿誓不移
葛生蒙於楚浮萍寄清池貴賤雖殊途附託各有宜
伊昔侍君子朝夕奉恩私馳心在皓首何意中睽離

窮年守窮室常恐踰良時思君如日月所異光

遺不

汎汎東流河嫋嫋河上柳春風暮飄搖花飛不相守

柔條欲攀贈何堪君手惟有南山桐可以遺

我友

固如天上月光輝尚當缺與君非一身安能不乖別
關山日悠遠舉步難可越君如雙車輪妾心如車轍
相隨萬里去繞繞何時絕

清晨秣驚馬整駕遵路衢遲徊覽故物惻惻心以紆
昔時千室邑今爲百年墟郭郭蔽枌櫨狐兔翔城隅
人生寓大塊飄泊寡恒居諒無金石壽終與草木俱
一身不自恤安用顧其餘營營慕富貴辛苦誠

爲愚

長安多豪俠白馬一何驕金鞍競絡繹寶劍相招邀
招邀狹斜道青樓鬱岌樓中妖艷女輕綺揚飄颻
皓齒激清倡逸響干層霄浮雲散城邑白日隨驚飈
熒熒桃李顏華蚤仍先凋結交苟弗宜誰謂能要人

人生百年內胡爲形所役登高覽九原但見松與栢
徘徊故里間念我平生戚斗酒相存問度阡復逾陌
上堂展殷勤華燈永今夕何必傾庶饌濁醪聊與適
朱顏難可常鬚髮會當白徧觀四海人誰爲不灰客
良時弗爲歡衰暮歎何益歟者長不作生者長不息
日月更相送萬古安所極素絲有蒼黃岐路多南北

在家常相問出門安可測落木歸本根飛鳥戢羽翼
客遊在萬里終當還故域

朝宴高堂上賓友相追遊厨人進豐膳妙伎揚清謳
處世無百齡爲樂苦不周多財爲患害駟馬招愆尤
安如王子喬高舉凌九州

歲暮寒風至蟋蟀夜鳴悲高樓有思婦嘆息不自怡
良人行未返孤妾守空閨衾裯卷不寢羅幃誰爲施
君如東流水妾如西馳暉形勢不相及彼此何由諧
結髮重自念携手期同歸秋華殞故林尚復揚光輝
顧茲各努力毋忘榮盛時

迢迢孟冬夜悲風鳴北林嚴霜被野草宛轉時欲沉
佳人久隔越曠若辰與參方舟不利涉欲往江湖深
客從南方至遺我綠綺琴願因雲中翼寄子瑤華音
膠漆不爲固金石安足諶明義苟不虧歿齒當一心

青鳥來北方徘徊朝南翔美人傳書至開緘爛生光
貽我機中錦宛轉成文章上織比目魚下織雙鴛鴦
物厚意不薄感激獨徬徨裁爲余與稠置在黃金牀
君子不爲御三歲聞馨香一心奉光惠常恐君遺忘

繁霜降秋夜膏火寒無光淒風舉帷幄素月流中房
客行在殊境獨處誰與將仰視天上星羅列皆成行

牛女獨何辜
擎擎守河梁
嗟無凌風翼
欲去不得翔
引領長太息
泗涕徒霑裳

贈君采效何遜作四首

何景明

霜空鴈絕響
風庭葉罷飛
念爾別離日
淒然芳歲微
城隅明星晝
曉闌殘月輝
不見携手好
宵行誰與歸

平生寡所諧
與子中邂逅
讌語殊未厭
絃柱促離奏

目斷川上雲
念攢天邊岫
河山邈以綿
佇立阻

懽觀

居人日縛束
行子逝飄飄
山栖憐霧夕
水汎悅霞

違俗勢靡合
遺名跡自超
愧隨衣冠侶
振珮青

雲

歲晏客來歸車馬一何亂
新粧下機咲白髮倚門看
未俟春林敷且玩冬花燦
閒居有徽音倘付雲中翰
擬行行重行行

楊慎

遙遙涉長途悠悠愁我心
我心愁未央睽離日以深
山高水無梁寄書多浮沉
魚樂在故淵鹿鳴思長林
覺時影與身夢來禍與衾
端居遲日月旦暮如古今
孤願人詎知沉憂自難任
君子不遐棄懷我以好音
擬青青河畔草

楊慎

河水清且漣河上多芳草春風二月時千里交河道
交河漢家營荒莽少人行日暮淒風起黃沙與雲平
雲間有孤鴈附書自鄉縣翩翩欲下來聞弦却驚散
草青鴈北飛草枯鴈南歸鴈飛有歸時征人無還期

擬古

楊慎

上山採交藤下山逢老翁髮白顏轉少疑是古韓終
此翁何所居乃在深山中左右猿狖穴前後虎豹叢
風雲徑路絕人跡那能通問年不肯答長嘯氣何雄
翩然輕舉去策杖如飛鴻

效古

楊慎

朝遊巍峩宮暮陞峭嶒壑
面咲背成嘆春華秋已落
耳餘互侵陵田竇相傾奪
富貴生不仁榮華有銷鑠
何如商山翁茹芝詠莫莫
冥鴻度遶陵樊籠豈栖託

續文選卷第十三

明平原湯紹祖公孟撰

雜擬下

雜體詩二十首

并序

薛蕙

詩自曹劉下逮顏謝體裁各異均一時之雋也及江
文通擬諸家三十首雖間有未盡然可謂妙解羣藻
矣余慕其殊麗依之爲二十首略者十人慚鳬企鶴
罔量非倫云爾

班婕妤詠扇

團扇團如月，月色比光妍。此物豈云美，君子心所憐。
炎暑充提携，清風何翩翩。但畏秋氣至，微質遂見遷。
懽愛始難畢，中路傷棄捐。

魏文帝游宴

命駕游西園，回輦高臺傍。鳴笳引鮮飈，翬蓋隨風翔。
靈泉依石渠，綠波汪金塘。芙蓉吐朱華，翠樹自成行。
飛禽映水曲，潛鱗踊魚防。零露停豐草，良夕殊未央。
白雲含綺霄，朗月垂素光。仰看天漢上，中心何慷慨。
人生非洪喬，壽命安得長。恣意百年內，懽樂莫相忘。

陳思王贈友

西京興亂階四海罹艱厄皇佐奮神武股肱效羣畫
英賢盡同朝夙願今始獲並坐接華裯聯步陵飛閣
中饋薦甘旨金罍汎清酌眷言申情昵終讌展戲謔
君子肅令儀俛仰存謙約明信良可希驕盈義所薄
各享百歲期鑒此平生諾

劉文學公讌

步入西苑園遊戲芙蓉池明月照綠水神飈散文漪
層軒跨通川雕檻承丹梯衆賓列長榻不醉且無歸
茵菖汎清波華萼正參差清歌隨風轉宿鳥東西飛
公子興藻思濡翰相招携小臣非吉甫答賦安能希

王侍中從軍

出車鄴城外駕言指南鄉我君整六師赫怒征東方
千艘泝淮浦武騎發河陽豈不懷歸思王事不可忘
鬱鬱涉長途觸目多憂傷葭莢盈深崖榛棘蔽高岡
悲風振中野陰雲起廻翔羈鳥鳴我前孤獸馳我傍
伊昔東山人三年事戎行捐私報公家終以反故疆
勉哉同袍子永言視斯章

阮步兵詠懷

驅馬出中野遠遊西山阿升高望四海惻愴將如何
崑崙不可見六合垂網羅悠悠存亾門往來苦相加

願隨安期子竦身入朝霞應龍扶靈輿倏忽經九遐
逍遙宇宙外千歲復來過

張司空閨情

初月升簾櫳涼風吹綺疏佳人阻晤語永夕獨躊躇
羅幃張虛宇朱火照堂隅樂閨歡不足悲興哀有餘
寤寐思淑儷拊衿嘆離居

潘黃門羈宦

登城涉層軒遙見黃河隈迅飈拂窮坂陰湍涌幽崖
哀鴻唳空臯征鶴翔高隄長秀延苞蔓喬幹垂華莢
跂予顧南路目極眺京畿清洛迥無津崇芒鬱崔嵬

改服就外役夙夜守班司具瞻慙民望嘉命慊皇私
異彼伐檀人徒蒙素餐譏撫已良自悼何以蔽前非
操刀無餘技烹鮮有遺規雖乏禮樂才富庶聊可希

陸平原行旅

發軫指修塗頓轡臨廣川居人並集送游子私自憐
故鄉日已遠親愛坐相捐携手一何促分袂難久延
絕景不可尋遺音邈以綿憂來鮮再逝懽往豈重旋
靡靡永徂邁冉冉薄暮年涼風起平陸積雪被長壩
幽谷生曾陰高嶺結飛泉寒鳥無宿棲猛獸行不前
惆悵感生平怨此世網牽懷歸殊未遂愾憤何由宣

左記室詠史

璇臺麗白日曾閣切天階朱門夾馳道甲第列東西
峩峩衣冠士濟濟照金閨長嘯霄漢間歸來尋舊溪
箕山爲我友首陽爲我儕洗耳千仞壑采薇清雲梯

張黃門苦雨

金商送寒節火旻迎朝露斐斐丹霞滅翳翳玄雲聚
密雨灑疎叢輕飈摧勁樹荒楚滿中宇芳華不盈步
陰條豈再綠陽葉已改素獨居淹時運憂來將誰訴
微志安可期傷哉年歲暮

劉太尉傷亂

晉京涉厄運神州困夷孽乾棟隕炎燎坤輿覆危轍
伊余孱且弱負荷忝朝列愆釁旣已淪哀憤徒云結
惟昔仲山甫佐宣補袞闕范生反會稽再舉夫差滅
高帝還新豐鴻門賴人傑靜言思數子顧已傷薄劣
白日逝若飛俛仰值暮節良辰不可遇我志將安設
大化信盈虛昏明亦更迭畢力濟公室引領企時哲

盧郎中感交

日夕歷城闔迴策步林囿北眺邯鄲道南瞻太行岫
幽泉激清澗荒薄森長秀曠野零飛藿重巖響哀狖
徬徨含遠念眊眊展遐觀燕趙負豪略土風夙所究

少府長平秦人却西寇李牧出鴈門虜馬避南狩
曩曩邁運會匠者顧微陋謬升朝右位濫陪羣彥後
質非荆山璞雕飾良已厚中區增震盪邊鄙多斥候
投迹依帷幄短策非可售仰愿昔賢軌嘉惠自難副
斯言豈虛作亮之惟朋舊

郭弘農遊仙

瑤溪臨赤岸曾潭揚素波巨鰲冠蓬萊玉堂映巖阿
中有羽衣客陵岡拾若華髣髴乘紫煙縹緲吸翠霞
靈妃奏妙曲六蚪駕雲車西謁王母廬東戲海童家
下視九垓內蜉蝣良可嗟

謝僕射遊覽

蟋蟀調易苦蒹葭歌亦勞伊人曠邂逅良辰方鬱陶
中情何由寫駕言出遊遨傍洲泝湍渚登巒瞰山椒
白雲冒丹巘綠竹俯青臯夕鳥相啁哳陰籟坐飄飆
佳期眇何許佇立摘蘭若蹉跎歲云除詠言發長謠

陶徵君田居

眷此南村居自昔紆真想一朝就仁里愜我心所仰
故人盡比隣時時共來往濁醪旣同持清文亦俱賞
日入未能去挈杖出林莽荒徑行當闢新苗漸已長
多謝沮溺翁千載愛吾黨

謝臨川遊山

徂節淹登臨開歲促遊翫陰崖雪猶積陽溪水始泮
進帆憇絕壁抗策陟窮岸撫化雖未盈卽事已可玩
幽谷風華媚晴峰雲彩粲尋異迹轉緬覽勝景迭換
洲分島參錯巖聚岫廻亂丹梯架懸梁石室構層館
初經洞穴底乍出翠微半羽人謝世運靈景變昏旦
汗漫無冥筌疏屬有塵絆放懷聊自慰含情爲誰嘆
顏特進侍宴

釣臺書夏典靈囿誦周篇嘉會隆先祀豫遊及茲年
春方協時律秘駕動星躔平圃躋倒景神臯徑中天

赤羽匝曾嶠青翰驚廣川華幢互幽藹藻帳競高褰
首歲布皇澤萬象光且鮮炙晷曜微霄宿氛霽遠山
瑞烟拂蘭甸祥飈汎芝廙睿眷備終讌宸惠普下筵
從邁咸世哲賡歌盡朝賢弱短困孤蹇明淑慙衆妍
勅躬方自勗敷言非可宣

謝法曹贈別

駕言理行臚逝將越故林出邁薄長浦還望蔽高岑
懷歸絕懽念悼別多苦心遙遙從此辭悠悠存所

欽

所欽不可攀道塗亦云艱綢繆居人思悽愴客子顏

去留勢全異聚散情相關傾側我西路偃仰爾東

山

東山及仲春愉悅對芳辰倚巖聽鳴嚶俯澗睇遊鱗

遠尋協要妙近探謝囂塵邈矣隱淪者悲哉行

旅人

行旅已經時遂令憂若滋凝滯風潮際遲回雨雪期

繫纜指曲汜弭棹停空坻寤寐孰與語拊枕怨

乖離

乖離焉有常佳侶若參商諧合無定端契濶殊未央

勞歌欲自慰贈言非可將寄款託微波延竚惠來章

鮑參軍戎行

家世隸部曲少小長幽并慣聞豪俠節耻預市井名
邊秋胡馬肥虜障入龍城候騎速如飛一軍振且驚
攬弓引鳴鋏行行遂徂征日落長風起愁陰千里生

天時正懟怒意氣亦自盈左驅鮮卑壘右逐單于營
還師報天子受爵過秦京開宴邸舍交權競公卿
一旦收奇績千載揚英聲

效阮公二首

李攀龍

太清孔陽元氣絪縕靈曜懸鑒列宿垂文威鳳振羽
神龍作鱗蕙蘭幽鬱松桂輪囷

日照月臨天高氣清金支秀華羽林翠旌六駕龍秋
四牡鸞鳴濯纓雲漢晞髮增城

建安體三首

李攀龍

轉蓬遇回風千里一遨遊良時不自愛汎汎亦何求
西來旣迂怪周孔以墳丘患無紛葩名年往非所憂
烈士多壯心對酒苦難酬枕石太華顛俯漱江流
北風正徘徊繁霜以霏霏經過至朔方惆悵我武威
白骨何籍籍鎧甲貫瘡痍猛獸蹲高岡狐兔失故蹊
伐薪缺斧斨飲冰膠馬蹄遠行多苦寒中路渴與飢
是時一介志悠悠誰當知

河漢懸清光三五正參差西北起浮雲霏霏風入帷
白髮一何蚤隱約當待誰快獨飲美酒登臺臨華池

趙女蕩竒舞秦箏繁且悲憂來亦有方安得常相隨

代建安從軍公讌詩十八首

并序

李攀龍

魏三祖及子建諸子間各臨戎義有紀列久當逸失
不獨王仲宣五篇又公燕一章應阮侵不就次與仲
宣從軍詩過意諷婉均之未盡所長今各代作二首

代文帝

長驅下廣陵觀兵東南疆方舟被大海萬騎紛縱橫
旌旗隨波靡組練遠茫茫中流震金鼓士馬何激揚
鎧甲生悲風千里一鏘鏘白羽所漂搖浮雲自低昂

撫劍登高城我軍正相望零雨有遺篇咏言難可忘

代明帝

太常摩回飈旗幟何翩翩屯吹彌故壘列舟竟長川
登檣望四野蕭條無人烟高墉走狐兔荆棘動參天
撫劍下中流甲士羅東西賦詩寫其懷隨波以潺湲
從軍在萬里惆悵私其憐

代曹子建

丈夫志萬里慷慨事四方我后振威靈六軍乃激揚
分旗建東嶽耀武臨江湘鳴鏑控流飈利劍捷秋霜
長驅下淮泗人馬自生光戈矛何參差方舟正縱橫

何言爲國讐一舉披舊疆解徒旆言入歌舞旋許昌
離宮大饗士勞賜以次行君子念在御賦詩垂華芳

代王仲宣

方舟何翩翩素波亦蕭蕭蒹葭澹餘映長檣激流飈
撫劍登高防人馬且逍遙空城何所有殺氣蔽旌旄
日夕見煙火四野飛蓬蒿邊聲起大江誰知我心勞
從軍殊復樂菲薄愧鉛刀

代陳孔璋

浮雲肅四野流飈殷悲音邊地一何苦慷慨難爲心
飲馬長城下水寒窟且深白骨撐路出殺氣駕重陰

將建大舉功干戈日相尋騁哉書檄馳縱橫正如林
身在記室中慊慊匪自今男兒念鐘鼎誰能常滯淫

代徐偉長

自我出從軍涉旬東南行文學託後乘顧瞻亦已深
中流萬艘集陶陶層波生淒風旗幟繁秋日戈甲精
沈陰結戰氣唯聞金鼓聲壯士何飛揚各願一先鳴
志已馳九關豈但懷不庭雖君在咫尺搔首未遑寧

代劉公幹

我后赫斯怒整駕東南征六軍如飛集列植龍陂城
皚皚霜風至蕭蕭戈甲鳴長飈轉沙礫仰視白日冥

流波一何勁金鼓悲且清連鳶下青雲毛血灑隰垌
發機入微妙觀者無不驚壯士以慷慨各奮先登情
釋此薦嘉客濡翰敘平生篇章信綺麗新詩雅以精
小臣在緹幕起坐懷同聲戎事諒非難但恐沈痼嬰

代應德璉

鬱鬱西北雲千里驅重陰臨江大耀士方舟載浮沉
連波響風雨長縹紛悲吟分曹命超距逸氣不可禁
君子在行伍常懷飢渴心非不愧細微良遇日以深
故山何時旋徘徊中自任

代阮元瑜

高城苦多陰秋日殊復悲邊聲薄暮起但見浮雲飛
霜氣勁且繁河漢寒無暉三星何躑躅皎月正徘徊
流飈西北至征馬鳴相依自知從軍樂誰能常不歸

公讌詩

文帝

置酒高臺觀逍遙芙蓉池兄弟夜行游貴客鬱參差
明月照長筵羅纓何霏霏翩彼衆君子展詩奏新辭
絃歌入微妙慷慨使心悲流塵蕩清響綺麗有餘姿
吐握苦不悉人生安可爲在昔無樂方彼此同一時

明帝

三五明月滿四七靈宿繁清夜美行游置酒西苑園
華池濫輕波芙蓉一何鮮飛蓋拂流景隨風自潺湲
主人延貴客竟席列豪賢絃歌徹中堂羽爵騰我前
微音喟有和甘醪發芳顏樂哉殊復樂君豈不俱然

子建

流飈起飛棟羣星集櫺軒月出芙蓉池清光滿西園
侍者夜行觴綺縞一何繁玉顏可攬持顧眄屬所懽
華鐙正徘徊步障隨風還絃歌蕩層臺激響拂潺湲
公子多憂客從橫各成篇主人自和氏披褐將誰愆
絕纓紛陸離墮釵復闌干取樂此一時嘉會良獨難

仲宣

浮雲撤重陰流焱四座來西臨栢陽山南望銅雀臺
回首出中原曠然千里開公子大置酒絃管間行杯
華鐙吐清光飛蓋自徘徊古人一含情于今安在哉
亂離常苦多歡極令我哀

孔璋

羈客心無娛閒居日悠悠駕言侍高會公子招我遊
凱風飄拂鬱素暉蕩清流中庭煥綺樹芳蕤自沈浮
登臺遠顧望高下見原疇肅肅山谷悲黯黯陰氣收
篇章時作羽觴不及投逍遙何以立功名爲相求

偉長

高堂鬱我我其下臨清池黃鵠比翼遊淫魚戲漣漪
微風起水裔朱華紛陸離綺羅旣生色笑歌不自治
旨酒但相屬羽觴隨波移人生寄一世歲月忽如馳
豈忘誦君恩賤軀未可知

公幹

月出西掖垣雙闕鬱蒼蒼白石爛素波蘋藻檠金塘
方舟轉清流飛蓋紛翱翔輕飈灑前庭明鐙皦中堂
淥酒溢尊罍嘉穀充圓方公子多妙製藻思何縱橫
高談自寵珍濡翰安能詳嬰疾日沉痾簿領非所長

願言貽令德，俛俛不可忘。

德璉

羣士諧佳會，置酒君子堂。清言解飢渴，四座生芬芳。
雲雨濯高翼，沙石明夜光。連篇命音響，好合興文章。
三臺開藝苑，愛客擅詞場。伸眉就存慰，千載以爲常。

元瑜

知己難再遇，攬衣及良辰。天衢飛高翼，清流濯纖鱗。
搖落易爲感，孰能愛此身。恩義不潛暢，舉座皆異人。
公子善養士，中外常所親。侍會此高堂，羽觴何紛員。
翰墨風雨集，興文若浮雲。翩翩致足樂，願言守明真。

擬古四十三首

并序

王世貞

梁江淹擬古離別至休上人凡三十首明亳州薛蕙亦嗣響焉雖於漢氏未純亦彬彬乎優孟抵掌矣夫物貴締始則因述似易人具體裁則兼功殆難難矣然文通頗勝於自運易矣然靈運微短於鄴中詩云唯其有之是以似之甚哉似之於有也不佞旣以罷官陸還挾策僅文通一編忽忽無博奕之懽紬繹窮愁竊倣厥體自李都尉而下至休上人凡二十九廣自蘇屬國至韋左司凡四十一時代旣殊規格從變

雖未足鼓吹諸氏庶幾驅馳江薛云爾其古離別一章請俟異日爲後十九首故不更擬

李都尉陵從軍

黃雲被原野策馬欲何之
輦鼓勁前林招搖動旌旂
涕淚結爲冰嬋媛將告誰
長當生歿訣盡我酒一卮
白露尚爲霜安能鬢不移
唯有金與石庶以表心期

鄴徵士炎見志

執屈難見功時危易爲跡
大海無圉鱗高風有矯翼
靳此萬里搏聊余一偃息
清時奇邁隱材士多失職
小者州邑掾大則公府辟
卑顏竊升斗攬袂承書檄

寥矣帝者居永絕渭川跡吹簫夕拜相屠狗朝開國
顧謂賈少年興文何太迫詩書一長物禮樂終奚益
聖王正當陽羣工但脇息富貴垂昌裔名聲施無極
魏太子丕公譙

置酒臨西園澄夜佐微涼華蓋飄圓月列宿散陂塘
景風媚芙渠冉冉布奇芳清吹相間發驚鳥顧我翔
急節促飛觴爲樂浩無方俄俄衆賓舉相與歌太康
芙渠自有芬君子自有心良辰不重得命爵莫沉吟

陳思王植贈友

成周宏昌業多士乃日新遠者由耕釣邇則介弟親

赫赫我皇魏九有悉來賓庸蜀爲逋藪江介有途鱗
聖心輸納隍黃鉞下秋旻樓船彌東渚劍客出西秦
天網布中逵所希在鳳麟疇爲百金士吾友氣如雲
太阿拂朝霜繁弱抱霄輪揮眸無前敵抗志在必臻
伊余忝藩翰夙昔備宗臣同歡岐憂戚厚祿泰其身
狐白足禦寒片腋非所珍鉛刀望一割微穎不見伸
勇士思喪元舍生乃成仁懷君篤明義聊以示殷勤

劉文學楨陪讌

公子富令德窮樂在清時卜晝啓初筵丙夜猶未疲
叢篁夾文館碧萼綴丹梯潛月青林端萬穎射金池

澄露滴華桐薰風穆然吹炮炙參差進觴醴縱橫飛
伎士慕新端肉奮絲竹馳淵鱗中踴躍宿鳥無寧枝
冉冉東方曙謹唱掩鳴鷄冠蓋散交衢粉澤有餘施
畸客誇殊遇歎息不可追

應文學場侍集

烏鵲東北來尾禿毛不全得與鳳凰遊珍禽日周還
今夕何良夕公子開妙筵請覓童殺罰聽我醉後言
少小事任俠結束過邯鄲邯鄲有奇女美眇輔朱顏
一彈離鸞調再彈別鶴絃感君纏綿意千金坐來捐
盟用南山石好用蕙與蘭蘭芳有時歇南山幸勿刊

應侍中璩百一

義魄尚高春天命未我離云何紀袴子往往意爲師
阿閣連曲房沉深不可窺齊醴腐其腸伐性有蛾眉
姬姜奏新聲歡多樂不支藥石爲仇讐美疢日以滋
東岱添新籍鬼伯來見追仰與高堂別俯與親愛辭
宗祀日蕭條涕淚如綆縻人生非金石快意多伏悲

張司空華離情

飄風吹枯樹皎月鑒空墀曾是風不留娟娟佇遐思
飄若蕩子心皎如靜女儀鳴琴中成瑟哀絃來聞之
蜩蟬乘秋沸熠燿與暑辭苔蘚歷冬春悠然驕履綦

續文選 卷十三 不其堂
攢念乃攻中徵瘁在蛾眉青陽何方至桃李嫁路岐
寄聲松與栢歛分守山崖

張黃門協苦雨

昏月初離畢丹霞復榮朝女風扶輪轂雌霓振旌旂
杳杳七曜潛沈沈二儀交穴螳登鬼垤水鶴徙故巢
土社歸狼籍木偶竟飄颻立壁俱就頽曲突默以消
密液肆沾飛餘蔕及蟪蛄九徙不足歎百念徒爾徬
念彼耦耕士棲畝敗禾苗念彼行旅夫然桂中夕勞
東征缺斧斨北禦解筋膠眇矣發棠歎彌哉塞瓠謠
厭見沈蛙竈妻子吐長明

左記室思詠史

堯舜相爲貴不能屈巢由挂瓢箕山樹洗耳渭水流
四岳等朝榮二女亦蜉蝣黃綺臥商岩目若無羸劉
曄曄五色芝可以飽千秋如何崦嵫路俛首建成侯
神龍雖自尊飢則鰕鱖流寒蟬雖自眇耻與鳥雀謀
潘黃門岳述哀

忽忽寒將徂冉冉春欲至寒徂復畱戀春至胡濡滯
庭除無雙跡帷枕有孤涕猶殘流黃機上繡鴛鳥翅
微音長辭聽手澤時流視行雲仍怳忽明月但髣髴
恨彼伺晨鳥精爽驚夢寐白日闕冥車子來旣不易

黃泉稀生軌予往將安至躑躅墟墓間縱橫鼠狐魅
宰木漸以拱朽骨焉所恃余髮旣種種時來能無會

曹司馬攄感舊

客與榮貴去身將賤辱存昨日翟公羅今張竇侯門
中厨出旨酒不足奉壘尊酒味非中薄人情自寒溫
女蘿與松柏本自非一根松柏雖枯歿女蘿尚攀援
行人爲代恨不與盤石婚大火發昆岡炎炎竟何論

傳司隸咸雜感

紅女戀一機丈夫慕九州拂袖出門去妻子不足畱
一室造帝基黃河噴天流一覽意無餘西人咸陽游

咸陽帝子里車馬若雲浮炊金復饌玉趙瑟間齊謳
東家霍司馬西邸平津侯南隣外人館北戶文成樓
鷄鳴先朝日起者何所求試言平生業十舉九不酬
北風旦夕吹敝我黑貂裘低回返鄉井耕釣亦悠悠

陸司馬雲贈婦

春卉畏秋序冬秀虞炎德亭亭南山栢上敷芙蓉的
凌風表貞操承陽饒艷色眷懷結襦始言在三星夕
燕婉吐芳唇綢繆展清臆靡靡輔屬體熒熒光汎席
弧矢爲我讐車輪倘相迫明誓雖在今合并非夙昔
矯若分飛鳥乖離恨羽翼何以示遙悰托此花與栢

郭弘農璞游仙

東海焉可耕
衡廬不足家常聞
金天女嗽液若木華
高掌鬱千尋
上有青蓮花
拍手呼鸞鴻
竦身凌紫霞
子晉相紹介
洪崖御我車
朱唇粲貝齒
永願托姻婭
碧藕吐瑤絲
火棗紛如瓜
玉盞澄天酒
龍虎衛靈砂
歡樂光景駛
千歲未爲遐

孫廷評楚雜述

北風無停吹
玄髮日夜素
命駕遵虞淵
將適萬里路
親朋來張祖
妻子挽悲慕
大造本無知
安能隨物鑄
精氣偶然合
妄形爲吾錮
善惡旣強名
禍福亦虛度

東隣治彭老服煉金石固西隣師蒙莊謂等陵茗露
達者竟何言冥心黜兩慕時至亦不辭未來無煩慮
寄謝醞鷄子區區甕中度

許真君詢自敘

方朔明大隱君平探幽蹈去矣無足差吾將從所好
春理雪上耕秋歸剡中釣在物多饒境選隙時一造
丹霞挾回漿白雲裝行屨奔除吐葱緒芊眠含呌窰
何以明有獲聽然動微笑狗物非余術資身良已要
豈不愛微名空谷將誰耀

謝僕射混游覽

顧此有盡日慨焉生游思訊謀紛委馳解者應自寄
清池屈叢薄沿洄信疲駟層觀景風返喬陵紫雲憇
跳波悅文鱗迴陽暖棲翅黃菊何榮蕤蕭條得其意
時序非良適取足竟有會寤歎言故歡幽芳徒延遲
彼境如可欣合併安所事

殷東陽仲文興矚

羣秀方謝朱忽與玄冥迫蕭條在時寓達者亦有適
木落鮮滯歡楓留蘊明色歛汎澄天根回滋收地脉
遼空吐纖翳青崖間微滴興至不盡觴毋乃佳時擲
况我英公子肅徒羅周席密坐人起端遴歡任所擇

紆華起物勝用壯緣酒德竊冀燕然勛敬爲悶餘墨
謝僕射瞻秋餞

少皞承時柄赤帝握天權清商應嘉節飛眺俯中原
羣象俱投肅萬寶將告堅齊魯遙拱帶河洛自回環
肥遯感聖心豫游布長筵旌旗伐林組笳簫按候宣
黃菊華行李玄酒返朱顏昌期鮮後夫枉士思故山
巢許客爲客虞德一何玄蓬心愧薄劣茲尚詎能言
支道人遁讚佛

羣象倡明茂四炁適清和凌晨將投禮首宿事奢摩
閃若太陽來朗曜周九阿諸天從帝釋旌拂紛婀娜

脩羅戢怨刃波旬解障魔馥郁旃檀樹彪炳珊瑚柯
醍醐釀甘露徐挾神飈過千葉青芙蓉一一凌紫波
流鈴相間發寶座鬱嵯峨上有慈悲父金頂秀青螺
端嚴八十相妙好一何多微吐柔細音雍如鳴鳳歌
惠澤徹無間哀響徧婆娑密迹中踊躍大士亦隗俄
獨解舍利子回心乾闥婆靈花散優鉢智果結菴羅
法鼓撞震方慧燈導恒河方廣距由旬成違僅刹那
冥心歸真諦母使嘆蹉跎

陶真君潛田居

貧來迫我耕旣耕貧不離誰云非長策舍此亦奚爲

今晨作勞罷曳耒歸何遲隣父憫我勞要我過其居
芋葉薦魚鯖濁酒且盈卮慨焉思人世百勸百不辭
今人不爲古古人當在茲過隙能幾何爲樂當及時
勞者欲有歌我歌自吾知

謝臨川靈運游山

山水慕孔樂丘園慚易賁殊恩賜初服薄游返真理
改策桐廬峰遺舫富春渚陰嶺橫空翠陽崖吐清泚
行鞋芳露潤餉榼流雲止叢林蔽啁哳徐風發旖旎
解籜篁鳴玉辭苞萼呈綺溜溜竇乳滴活活溪源徙
詫嘆接來奇遭回惜去美流光暮搖漾白石何齒齒

想見羊裘客，眇言曠千紀。滯迹好充人，選念良在已。
蟬綏信遺脫，漁釣從此始。

顏特進延年侍宴

赤縣騰真氣，丹觀切太微。千祇肅羽衛，七聖扈鸞旂。
神舟二龍躍，天黃八駿歸。陸馳皆跡射，水擊盡攸飛。
行宮初戾止，張樂答澄輝。神魚翻鏞賁，靈獸舞翟翬。
金璫景風觸，瓊弁白雲圍。趙女擊秦筑，吳娃鳴越絃。
巧夫歌人偶，眩士吐寒曦。桃榴燁崖冠，荇薜燦波衣。
煙澄淮楚出，天濶江介微。臣懼畏童毀，聖洽詠鳧鷖。
滄溟返西注，濛汜鬱東馳。天喬欣當御，鱗翰驕奮飛。

茗毫誠微賤鼎俎內慚疑

王徵君微養疾

秋風有奇色能使昔邪黃一葉噓商曲羣鴻盡南翔
白雲棲空除華月湛匡牀外門羅來雀內戶掩啼螳
臥病與性會華炫非所減精液隨年銷金石依形長
湛然守寸瑤委順無何鄉

袁太尉淑從駕

衣冠神游肅弓劒聖情紆蒸新嘉周典祠雍陋漢圖
萬象改冬凜九有悉春敷屏翳躬先掃玄冥戒後誅
金椎隱馳道玉戚護乘輿蛟龍擾輦革麟鳳翊流蘇

朝雲燁容衛夕宿燦周廬鳴鑪震海立傳蹕應嵩呼
父老望張飲士女欣大舖人文被巖壑天藻冠京都
陳詩悉二雅稽典嗣三謨臣懽奉元日賡歌幸未孤

休上人怨別

落日多媚景楚士中不怡風吹湘山色往往盡成疑
彼美無與晤曠佇生勞思三枯袖中蕙再茁園柳萋
博山寒虬燼屈戌繡蛛絲徙倚翹芳跡沈吟黯膠頤
虛有焦桐尾黃金爲誰徽

謝吏部眺省直

禁蘖森木天文昌爾璇漢風色飛廉館波文屬玉觀

銀虬隱自鳴金鴟對如翫薜衣繡丹澁蝸書吐玄燦
亭亭鍾山秀杳恩何歷亂務簡化日舒興言染柔翰
卽事台可悅奚必休請澣敢用蓬戶觀夕從朱門旦

王著作融游邸

風鐸流清楚天花墜妙譯解脫身自餘清虛勝能擇
薄游名王邸儼如化人宅多寶壘基階明璣噴沼澤
蘭繚芬自棲莢堤綠如積和薰調言鳥輕煙媚垂薜
束峽饒竒聲低春出遠色卽境良非幻冥心庶已寂
至哉物外遊超然忘所獲

沈僕射約餞別

九伐當熙代十乘啓元戎以我師中吉占彼後夫凶
皇仁等乾運萬寓悉帡幪揮眸無索虜抵掌有山東
盤龍五花劍號烏七札弓蠡旗布飛宿虎落繞長虹
崤函旣平踐嶢關復斬通帳飲渴涇渭軍聲搖華嵩
高筵班勇爵中垆建武宮翻嫌賜履狹不數太師功

范僕射雲貽友

蓐食向東疇薄暮始言還遙見車馬跡藹藹散平川
鷄犬若有懲烏鵲尚盤旋還顧問應門錯愕相告言
言有冠蓋客眉宇何軒軒入門更左顧徬徨回就轅
北風吹馬嘶落日送旌旃沈吟思久要疇爲故所懽

自非徐方牧誰能顧閭閻貴賤常人態君子自金蘭
梗杞振休風高雲薄旻天書此布區區在下亮弗援

江記室淹臥疾

寒暑更代至爲我煉朱顏槐庭綠陰逝稻隴黃雲還
鳥雀思改棲鷄豚亦不閒據梧辭紛尚采薪負奇艱
推遷候其所睽離思乃殷遙心先枉渚選友向江關
橘柚組衰景雲霞分故山青燈代爲耦單巢竟成鰥
蠲痾稀靈劑循視在刀環

何水部遜示寮

次寥澄丁夜黯靈流泓碧曉月媚獨征清霜凌行色

稍稍曙吐帆微微風飽席林輝驚棲亂波響跳鱗激
喟然川上逝念此山中客晨涼在衾裯晝事餘巾幘
飲食不爲人游夢從所適撫已能無愧達生邁隱跡
年事離余往簡書代相迫寄聲夔龍偶終蹈巢由則

吳記室均春怨

悠悠倉庚語喚此簾櫳曙萬象欣遇新賤妾不改故
買愁榆莢錢粘恨隨楊絮草信忘憂難花疑合歡誤
百種枕上心千條夢中路眼波寫欲竭眉峰解還聚
昨者玉關書更移金河戍玄冥彼方辭青陽茲已暮
但睹朱成碧未解鬢變素對影欲有陳冥然不相顧

陰常侍鏗送別

秦淮將征棹西興導返艫誰言劍合地卽是袂分途
比帶將同縞擬簌詎如蒲倚醉聊慷慨臨醒復鬱紆
遙帆雨中失清尊月下孤裁書悵南鴈托夢怨單烏
寶鉸銀平脫珠鞵金僕姑還期一文軌方駕騁天衢

薛內史道衡酬憶

秋風吹大荒秋月滿河梁尺書問馬走一枕徧羊腸
羊腸幾屈曲輪鞅聲相續句裏孟門青意中淇水綠
綠水如絲流青天去不收玉猷興欲盡衛玠始生愁
愁人自宛宛日長歲苦短薜蘿虛蚤齊不睹松柏晚

王參軍勃夢游

役神苦煩懣羈形困局促言攬化人祛稅駕從所欲
瑤階淨於砥寶觀紛若簇清篁展雲幄言鳥流風曲
舒霞縟流草垂露布森木中有青蓮冠修眸炯清淑
授我瓊函字長跪不敢讀秋飈勁明璫吹我墮几褥
琳琅恍猶聽芊鬱疑在矚惆悵將起端多岐浩難續

沈詹事佺期訪道

玄天洩至秘大地輸真宅言訪赤城居試探黃庭策
黃庭何其妙幽闕守玄魄赤城信矣高靈仙寄神跡
鸞輶夜分至鳳管空中適眉峯芙蓉顏吹燁華白

歸霞散衣桁流水澄巾幘泠然馭風來倏爾凌雲息
勞役悲在今夷猶歎夙昔因牽絰原綱遂鍛冲霄翮
愁雲幕遠近慾火煎日夕隱隱移少年沈沈散精液
敬謝廣成師爲我示天則竦轡崑崙顛揚舠弱毛澤
滄桑坐經變濛汜何虞迫火棗幸有餘乞師知不惜

宋學士之間祠海

稅駕依海壖肅祠乘嘉月朝日侵夜生春溟際天濶
驚濤吐千嶸窮島迫一髮百谷俱讓王九州悉傾穴
星河時翻動天地中出沒體薦秩禮殷裸將醪芬發
巋然祝融坐肅矣羣靈謁環珮趣飄颻靈旗去恍忽

緬懷拙薄踪承明昔三入敢問乘海桴竊希迷津筏
弱水未易方崑崙焉可越矯首貫月槎極目含珠闕
倘呼龍伯人爲我灼鰲骨

崔員外顥游俠

東風五陵畔恣意少年游魯酒銀鑿落宛轡金雕鏤
狂童舞拍張妖女彈箏篴酒酣萬事出橫披宮錦裘
尺八鐵七首能令都市愁避讐從車騎結客取涼州
北斷匈奴臂西斬月支頭論功獨第一天子賜旌旂
圖貌在麒麟英風冠九州笑謂故所知功多罪不憂
當時殺人者今日海西侯

岑嘉州參塞讌

邊草五月綠秦馬三春肥鳴鞭飾珂子色奪官羅衣
朝謁府主出夕從射獵歸珊瑚照夜筵行酒羅金緋
趙女青絲彈胡姬白玉圍酒酣燭忽滅語客任所爲
橫行纏頭錦零落珍珠璫明月出東方清波溢鸞旂
鷗青約素腕雙雙扶入幃北風旦暮吹黃塵俱倒飛
如何咫尺地步步春光輝爲謝益大夫時清刁斗稀

高常侍適詠送

少小愛漁獵不解慕清朝春風蕩孟諸草綠胡馬矯
一劍揮兩從隻羽貫雙鷗折節讀詩書策名列官僚

雖與貧賤辭未遠案牘勞今朝涉淇上中原莽蕭蕭
天晴太行出峽急黃河搖游鯉跳伏獺飛鳬墮鳴臬
悅若舊時游欲呼故所招奪標胡姬館走馬河陽橋
丈夫自有命時來則金貂安能對玄經終歲長寂寥

李翰林白自明

海色搖地綠崑崙插天青天地不相忌千秋弄精靈
偶然復生余搏作世人形俗眼不能識強呼爲歲星
昨歌咸陽市如意擊玉鐺醉罵文成侯白眼春冥冥
新豐酒初熟胡姬手如玉十千換一斗醉卽鑪頭宿
中夜黎眉騮銀璫響相逐上帝奏鈞天名姓登紫籙

蛾眉七十二停筇待新曲攬筆虹霞生鳴毫風雨促
天姬燦瑤齒重瞳亦回矚衣我宮錦袍葡萄發醅醪
片言朝不投夕買范生舟三神未欲返五湖且須游
魚龍聽咸池遂爲釣者求愀然發長嘯千金等雲浮
虞帝放丹均波應及許由不然箕山客今作潯陽囚
黃鵠脫樊籠低身瞰九州銜珠報恩德然後訪丹丘

擬古二首

宗臣

冉冉江上蘭燦燦江中芷我友遠行役駕言適江汜
江汜波浪深嘆息從中起昔別春卉敷今思暮颺

遊子不旋歸浮雲口千里

驅車事行游巖畔見芳草芳草綠以萋採之遺所好
徘徊歲云晏悠然傷我抱不畏芳草歇畏此關山道
關山阻且長客子行將老

夏夜偶涼卽事效梁人體

吳國倫

炎方雨忽霽夕間涼如秋星雜簷螢落河連枝鵲流
榕陰滴衣桁荔色炯簾鉤月擁玉壺上天銜珠浦浮
輕颺動白苧密篠鳴蒼鳩拭簟冰初合提紈雪未收
不寐憐光景長吟步斗牛山烟微入幔海氣積爲樓

疴當三伏起老作九真遊江漢渺何許關山悵悠悠

擬古二首

俞允文

和璧天下寶傷哉獨淪誤秦趙何紛紜相如建功祚
呂尚老廢屠一朝曜天步傳叟何爲者神感發宵寤
苟其當遇時奚在殉馳驚如何繁華子桃巧從狹路
蛾蚋赴蘭膏身歿永不悟寥寥宇宙內萬代可齊度
安得附六翮逍遙排氛霧俯仰窮四海豈肯戀細故
都邑聲利樞赫赫飛炎煙能鄙還相籠傾側不及旋
吹噓成薰灼玉石要俱捐迺遭操難固短弱特易纏

擬足無通途舉措懼厥愆飢寒迫窮暮盡室事高曠
殉義寧顧身爲生誠獨艱事往真僞顯清埃播來賢

擬古二首

王世懋

步出城東門行遊五陵間五陵多豪子車馬何閒閒
雕鞍控繁弱連錢着錦韉相逢俠邪道青驪左右旋
觀者盈路傍轉眄自生妍繫馬當青樓入門問所歡
挾瑟前置酒賓從羅四筵酣歌竟日夕爲樂及盛年
榮華遞相逐誰能不棄捐服食傾千金奄忽摧朱顏
知窮巷士裋褐卒歲寒所守但一經千載名傳

峩峩長安道鬱鬱柳柳色麗青樓飛甍直道右
中有衛李家絲肉競清奏徵歌入尚方玉顏奉君帚
昔是名都倡今爲漢宮后兄弟盡封侯餘光及賓友
遇合當其時貴賤亦何有須臾寵衰歎旦暮滅好醜
朱門零落盡榮耀復難久悲此循環端誰能長不朽

三

三

三

三

三







